

**JAMHURI YA MUUNGANO WA TANZANIA**  
**WIZARA YA ELIMU, SAYANSI NA TEKNOLOJIA**

Simu Nambari: **255-26-2360033**  
E-MailNo. [bustanitic@gmail.com](mailto:bustanitic@gmail.com)  
Mobile No. 0752716257



Chuo cha Ualimu Bustani,  
S.L.P. 131,  
**KONDOA.**

20/08/2018

**NDG:.....**

**YAH: MAELEKEZO YA KUJIUNGA NA MAFUNZO YA UALIMU NGAZI YA  
ASTASHAHADA/STASHAHADA 2018/2019**

**1.0 UTANGULIZI:**

Ninayo furaha kukuarifu rasmi kuwa, Wizara ya Elimu, Sayansi na Teknolojia imekuchagua kujiunga na mafunzo ya Ualimu ngazi ya Astashahada/stashahada ya Ualimu katika Chuo Cha Ualimu Bustani. Chuo kina dhamira ya kuwa kituo cha kuibua na kuendeleza stadi za Ualimu kwa kujikita katika maeneo ya sayansi na teknolojia, sayansi ya jamii, Sayansi asilia (Natural science), masomo ya Ualimu na ujasiliamali ili kuboresha ufundishaji na ujifunzaji nchini. Hivyo unapaswa kuthamini uchaguzi huu kwa kusoma kwa bidii, kufuata taratibu na kanuni za Chuo ili uweze kufikia malengo yako binafsi na malengo ya Taifa kwa ujumla..

**2.0 MAHALI CHUO KILIPO**

Chuo cha Ualimu **Bustani** kipo Mkoa wa **Dodoma**, Wilaya ya **Kondoa**. Kipo kilometa mbili kutoka mjini .

**3.0 KUFUNGUA CHUO**

Chuo kitafunguliwa tarehe 04/10/2018 hivyo unatakiwa kufika chuoni tarehe 03/10/2018 bila kukosa. Iwapo hutafika Chuoni wiki mbili baada ya kufungua Chuo hutapokelewa. Mara baada ya kuwasili Chuoni fika ofisi ya usajili ambapo utapokelewa na kupewa maelekezo.

Wakati wa usajili unatakiwa uwe na vitu vifuatavyo:

- i) Barua ya kuitwa kujiunga na Chuo
- ii) Cheti cha kumaliza kidato cha nne (**School Leaving Certificate- Original**) na Cheti halisi cha kufuzu kidato cha nne (**Academic Certificate of Secondary Education, O-Level**) au Result Slip kwa wale waliomaliza kidato cha nne mwaka 2017, na nakala zake
- iii) Cheti cha kumaliza kidato cha sita (**School Leaving Certificate- Original**) na Cheti halisi cha kufuzu kidato cha Sita (**Advanced Certificate of Secondary Education**) kwa wanachuo wa stashahada au **Result Slip** kwa wale waliomaliza kidato cha sita mwaka 2017 au 2018 na nakala zake
- iv) Cheti cha kuzaliwa-(**birth certificate**) Original na nakala yake
- v) **Cheti cha daktari/medical examination form**, ijazwe na daktari wa Hospitali ya Serikali ya Wilaya.

**4. VIFAA**

- 4.1 Mashuka mawili rangi ya blue bahari, blanketi 1, mto 1, na foronya 2 nyeupe zisizofumwa
- 4.2 Vyombo vya kulia chakula (sahani 1, kikombe 1, bakuli 1, kijiko 1) galoni ya lita tano ya plastiki kwaajili ya kutunzia maji ya kunywa yaliyochemshwa
- 4.3 Nguo za michezo (bukta na T-shirt rangi yoyote pamoja na raba jozi moja ya rangi yoyote, track suti kwa ajili ya mchakamchaka na jogging siku za jumamosi na ziara za kimichezo (Rangi ya blue bahari)
- 4.5 Daftari zisizopungua 20, kalamu za wino na risasi, mkebe wa Hisabati.
- 4.6 Karatasi **rimu 1 ( A4)** rangi nyeupe yenye karatasi 500 kwa muhula.

## 5.0 ADA YA CHUO

- Ada ya mafunzo ni **Tsh 600,000/=** kwa mwaka, hivyo kwa muhula unatakiwa kulipa kiasi kisichopungua **Tsh 300,000/=** lipia kwenye akaunti ya chuo namba **5021100054 (BUSTANI REVENUE COLLECTION FUND)**. Lipia kwenye tawi lolote la NMB lililo karibu nawe uje na **BANK PAY SLIP** ikiwa imeandikwa jina lako kamili

## 6.0. MICHANGO YA CHUO

Mbali ya fedha hiyo utatakiwa kutoa michango katika maeneo yafuatayo kadri chuo kitakavyoagiza.

- Huduma ya kwanza **Tshs.5000/=** kwa muhula
- Usajili **Tshs. 5000/=** inalipwa mara moja mwaka wa kwanza
- Uboreshaji wa tehamu (ICT) 10,000/= kwa muhula
- Kukodi Godoro **Tshs.10,000/=** kwa muhula
- Tahadhari **Tsh.10,000/=** kwa muhula
- Serikali ya wanachuo **Tshs.5000/=** kwa mwaka.
- Kitambulisho **Tshs.5000/=** kwa mwaka wa kwanza
- Usafi na miundo mbinu Tshs. **15,000/=** kwa Mwaka
- Ulinzi wa chuo **Tshs.15,000/=** kwa Mwaka
- Elimu ya Michezo **Tshs.5,000/=** kwa muhula
- Mchango wa taaluma **25,000/=** kwa muhula
- T-shirt yenye nembo ya chuo Tsh **15,000/=** inapatikana chuoni


N.B

- Jumla ya Michango Tsh **135,000/=** ziwekwe kwenye account namba **5021100020 (BUSTANI COLLEGE FUND)**
- Mchango wa serikali ya wanachuo **5,000/=** iwekwe kwenye account namba **50210010117 (BUSTANI STUDENT ORGANISATION)** kwa wanachuo wa kozi zote.

**Usije na fedha Tasilimu chuoni na usichanganye Akaunti. Kumbuka fedha ikishalipwa kimakosa hairudishwi.**

## 7.0 SARE ZA CHUO

WANAUME



- Suruali mbili nyeusi za kushonwa
- Mashati mawili ya blue bahari yenye mikono mirefu
- Viatu vyeusi vya ngozi vya kufunika vyenye visigino vifupi
- Soksi nyeupe pea mbili
- Sweta jeusi na koti linalifanana na suruali
- Tai nyeusi

WANAWAKE;



- Sketi mbili nyeusi mshono wenye rinda katikati, ndefu inayokaribia na kisigino kama inavyoonekana katika mchoro.kwa waislamu “umbrella” inayofanana na shati
- Mashati mawili ya blue bahari yenye mikono mirefu
- Viatu vyeusi vya ngozi vya kufunika vyenye visigino vifupi
- Soksi nyeupe pea mbili
- Sweta jeusi na koti linalifanana na sketi
- Tai nyeusi

## 8.0 MAAGIZO MUHIMU KWA AJILI YA AFYA YA WANACHUO

- i) Mwanachuo anashauriwa aje na fedha tasilimu kwa ajili ya matumizi binafsi
- ii) Mwanachuo mwenye kadi ya bima ya afya ni muhimu kuja nayo.
- iii) Mwanachuo asiye na kadi ya bima ya afya anashauriwa kujiunga na mpango wa bima ya afya ya Jamii (CHF)
- iv) Mwanachuo atapaswa kufanya uchunguzi wa afya katika Hospitali za wilaya au mikoa kwa kutumia fomu iliyoambatanishwa hapo chini.

## 9.0 CHAKULA

- Chuo hutoa chakula kwa wanachuo wote
- Chuo hakitoi chakula maalum (special diet)

NB. **Mwanachuo ambaye hatakamilisha mahitaji yaliyoorodheshwa hapo juu hatapokelewa Chuoni.**

## 10.0 VIFAA VYA KUJIFUNZIA

Kutokana na changamoto ya upatikanaji wa vifaa vya kufundishia na kujifunzia hususani vitabu kwa wanachuo wa ngazi ya Stashahada ya Ualimu wa Sekondari, mnashauriwa kutafuta vitabu vya maudhui yafuatayo kwa lengo la kujisomea:-

- i. Chemistry books
- ii. Biology books (eg Biological Science)
- iii. Educational Research and Evaluation books
- iv. Communication Skill books
- v. Curriculum and Teaching books
- vi. Educational Foundation books
- vii. Information and Communication Technology books
- viii. Development studies books

Kwa wanachuo wa Astashahada ya Elimu ya Msingi wanashauriwa kutafuta vitabu kama vya Hisabati, Sayansi, English, Communication skills, ICT, Tehama pamoja na mihutasari ya Elimu ya Msingi. Kwa wanachuo wa Astashahada ya Elimu ya Awali wanashauriwa kutafuta vitabu vya kufundishia kusoma, kuandika, kuhesabu, vitendo vya kufundishia Hisabati na Sayansi na mihtasari yake.

## 11.0 MWISHO

Jumuiya ya chuo inakutakia maandalizi mema ya safari ya kuja chuoni.

KARIBU SANA



.....  
**NATHANAEL A HINJU**  
**MKUU WA CHUO**

MKUU WA CHUO  
BUSTANI CHUO CHA UALIMU  
KONDOA!

## **SHERIA NA KANUNI**

Pamoja na maelekezo hizi ni sheria na kanuni za chuo ambazo utatakiwa kuzifuata wakati wote wa mafunzo, kama utaona ni ngumu kuzifuata **Usije kwa sababu** ndizo zinazolinda na kuhifadhi amani na utulivu kwa lengo la kuwezesha kila mwanachuo kufikia malengo yaliyokuleta hapa chuoni na Taifa kwa ujumla.

Sheria na kanuni zinazingatia misingi ya HESHIMA, ADABU, UAMINIFU, UTII, TABIA NJEMA na HAIBA NA MAADILI YA MWALIMU kwa ujumla. Sharia hizi zinahusu:-

### **1. MIGOMO**

Marufuku kwa mwanachuo kuhamasisha, kuanzisha, kuchochea au kushiriki migomo ya aina yoyote chuoni, mwanachuo anapaswa kufuata taratibu katika kutatua matatizo yake au ya wanachuo wenzake wakati wote wa mafunzo.

ADHABU: **ATAKAYE BAINIKA NA MAKOSA HAYA ATAACHISHWA MAFUNZO MARA MOJA**

### **2. MAVAZI BORA NA YA HESHIMA**

Kila mwanachuo anatakiwa avae mavazi ya heshima yanayolingana na haiba na kazi ya Ualimu.

#### **I. Mavazi hayo yanatakiwa yawe;**

- a. Yasiyobana mwili
- b. Yasiyoonesha maungo vya mwili

#### **II. Hairuhusiwi kwa mwanachuo;**

- a. kutoka nje ya chuo bila ya sare za chuo (unatakiwa kuvaa sare za chuo pindi unapokuwa nje ya chuo)
- b. Kunyoa kipara au mtindo wowote au kufuga kucha
- c. Kufuga ndevu
- d. kuvaa vitu kama vile mapambo mfano Heleni, Mikufu, Bangili n.k
- e. Kuvaa mlegezo au nguo za mtindo, mfano - model
- f. T-shirt zenye maandishi au zisizo na staha
- g. Wasichana kuvaa suruali, Sketi au magauni mafupi (sketi au magauni yanatakiwa yavuke magoti kwenda chini)
- h. Wasichana kusuka mitindo au rasta

#### **III. Ni rusiwa kwa wanachuo**

- a. Wasichana kubana nywele nyuma kama ni ndefu
- b. Wasichana wasiosuka au kubana wanatakiwa kuwa na nywele fupi zisizokuwa na mtindo wowote
- c. Wasichana kusuka nywele za twende kilioni (utii wa roda) au kunyoa kawaida
- d. Wavulana kuwa na nywele fupi zisizo kuwa na mtindo wowote

**N.B:** kipengele cha mavazi kuhusu suruali kitafafanuliwa kulingana na mazingira husika kama vile prepo, kulala, michezoni, nk

ADHABU: **ATAKAYE KIUKA HAYA ADHABU KALI ZA KINIDHAMU ZITATOLEWA IKIWA NI PAMOJA NA KUACHISHWA MAFUNZO**

### **3. NIDHAMU**

Kila mwanachuo anatakiwa kuwa na nidhamu ya hali ya juu kwa kuwaheshimu watu wote ndani na nje ya chuo

- I. Kila mwanachuo lazima asalimiane na wenzake, aamkie walezi wake pamoja na watu wote
- II. Kila mwanachuo anatakiwa kutii na kutekeleza kanuni zilizowekwa, kama vile
  - a. Kutii kengele inapopigwa
  - b. Kutii bendera ya taifa
  - c. Kuitika majina(roll-call) mahali na muda husika
  - d. Kuwahi mahali anapoitwa iwe ukumbini, darasani, bwaloni n.k
  - e. Kuwahi wito anapoitwa na walezi au viongozi wa serikali ya wanachuo
  - f. Kukimbia mchakamchaka
  - g. Kuvaa kitambulisho
  - h. Kuhudhuria pardi Jumatatu, Jumatano na Ijumaa
  - i. Kuhudhuria vipindi vyote darasani bila kukosa
- III. Kujituma katika kazi zote, ndani na nje ya darasa kwa muda wote atakao kuwapo chuoni
- IV. Kutii na kufuata maelekezo halali yanayotolewa na viongozi wa serikali ya wanachuo

- V. Kuheshimu serikali ya wanachuo kama vile Raisi, Mawaziri, Viongozi wa madarasa na Mabweni

ADAHABU: **ATAKAYEKIUKA ADHABU KALI ITATOLEWA IKIWA NI PAMOJA NA KUACHISHWA MAFUNZO**

#### **4. UHUSIANO WA KIMAPENZI**

- I. Hairuhusiwi kuwa na mahusiano ya kimapenzi wakati wowote wa mafunzo yako, wanachuo kwa wanachuo au wanachuo na mtu mwingine yeyote
- II. Kuolewa au kuoia wakati wa mafunzo ni marufuku
- III. Hairuhusiwi kubebesha/kubeba au kutoa mimba
- IV. Hairuhusiwi kujiingiza katika tabia ya uasherati na umalaya, kama vile
  - a. Kujiuza (uchangudoa)
  - b. Kupiga picha za utupu au Kutuma picha za utupu
  - c. Usagaji
  - d. Ushoga
  - e. Na mengine yanayofanana na hayo hasa matumizi mabaya ya simu na mitandao
- V. Hairuhusiwi wanachuo wawili wa jinsi tofauti kukaa faragha yani peke yao hasa nyakati za usiku

ADHABU: **UKIKIUKA MOJA KATI YA HAYA UTAACHISHWA MAFUNZO MARA MOJA**

#### **5. ULEVI**

Ni marufuku kwa mwanachuo kutumia kilevi chochote kile ndani na nje ya chuo kipindi chote cha mafunzo. Vilevi hivyo ni kama:-

- I. Pombe aina yoyote ile
- II. Dawa za kulevya aina yoyote
- III. Uvutaji wa Sigara
- IV. Ulaji wa mihadarati. Mf Mirungi, Bangi, Tambuu n.k
- V. Hairuhusiwi kuingia kwenye majumba ya starehe mf. Baa , Disko n.k
- VI. Hairuhusiwi kuingia kwenye vilabu vya pombe
- VII. Hairuhusiwi kuingia kwenye nyumba za kulala wageni

ADHABU: **UKIPATIKANA NA KOSA MOJAWAPO KATI YA HAYA UTAACHISHWA MAFUNZO MARA MOJA**

#### **6. NYUMBA ZA WAKUFUNZI /WAFANYAKAZI**

Mwanachuo hairuhusiwi kwenda kwenye nyumba za wakufunzi au wafanyakazi bila ya kibali cha **Ofisi ya Uadili** au mkuu wa chuo

ADHABU: **ATAKAYEKIUKA ADHABU KALI ITATOLEWA**

#### **7. KUWAHI**

- I. Mwanachuo anatakiwa kufika chuoni kwa tarehe iliyopangwa ya kufungua chuo au kama amepewa ruhusa
- II. Mwanachuo anatakiwa kwenda kwa mlezi/mzazi pindi tu chuo kitapofungwa au kuruhusiwa si vinginevyo

ADHABU: **ATAKAYEKIUKA ADHABU KALI ITATOLEWA IKIWEMO KUFUKUZA AU KUSIMAMISHWA MAFUNZO**

#### **8. KAZI ZA MIKONO NA USAFI**

Kila mwanachuo anatakiwa kushiriki kikamilifu katika kazi , kama vile

- I. Kazi za mikono kama vile uzalishaji mali (E.K)
- II. Usafi wa mazingira ya chuo kama vile:
  - a. Mabwenini
  - b. Madarasani
  - c. Mazingira yote kwa ujumla. Mf vyooni, bafuni na sehemu nyingine
- III. Usafi binafsi

ADHABU: **ATAKAYEKIUKA ADHABU KALI ITATOLEWA**

## **9. UTUNZAJI MALI**

I. Kila mwanachuo anatakiwa atunze mali za umma (chuo) kama vile

- a. Viti
- b. Meza
- c. Madawati na
- d. vifaa vingine mbalimbali kama vile
  - majembe
  - reki
  - mifagio
  - soketi
  - mashoka na

II. Kila mwanachuo anatakiwa atunze mali zake binafsi na za wenzake

III. Ni kosa Kupoteza, au kusababisha mali zako kuibiwa kwa uzembe

IV. Marufuku kuondoka na kifaa chochote mahali popote bila ya idhini ya mamlaka husika

ADHABU: **ADHABU KALI ITATOLEWA KWA ATAKAYE HARIBU AU KUPOTEZA PAMOJA NA KULIPA KIFAA HUSIKA**

## **10. UTORO**

I. Kila mwanachuo anatakiwa awepo mahali anapohitajika kwa muda uliopangwa kama vile

- a. Darasani
- b. Bwenini
- c. Uwanjani
- d. Sehemu za usafi wa mazingira ya chuo.

II. Awepo na ashiriki katika shughuli za uzalishaji mali kwa muda husika/tajwa

ADHABU: **ADHABU KALI ITATOLEWA KWA ATAKAYEKIUKA**

## **11. LUGHA**

Ni marufuku kwa mwanachuo kutumia lugha ya

- I. Matusi
- II. Kuudhi, kukebei, dhihaka au kusengeny
- III. Lugha za mitaani (kihuni)
- IV. Hairuhusiwi kuwa mbishi unapoelekezwa jambo jema
- V. Hairuhusiwi kuwa muongo
- VI. Hairuhusiwi kuwa mgovi
- VII. Hairuhusiwi kugombana
- VIII. Hairuhusiwi kuwapiga wafanyakazi au wakufunzi au wanachuo wenzako

ADHABU: **ENDAPO UKIKIUKA MOJA KATI YA HAYA ADHABU YAKE KUSIMAMISHWA MAFUNZO MARA MOJA AU ADHABU KALI ZA KINIDHAMU ZITATOLEWA**

## **12. WIZI**

Ni marufuku kwa mwanachuo kuwa mwizi au mdokozi wa mali za chuo au wafanyakazi/wakufunzi, za wanachuo wengine au za mtu mwingine yeyote

ADHABU: **ATAKAYEBAINIKA KUTENDA KOSA HILI ATAACHISHWA MAFUNZO MARA MOJA**

## **13. RUHUSA**

- I. Ruhusa zote za kulala nje ya chuo zitatolewa na ***mkuu wa chuo***
- II. Ruhusa ya kutoka nje ya chuo ndani ya siku zitatolewa na mkufunzi wa zamu au mwadili wa wanachuo baada ya masomo au siku za jumamosi au jumapili
- III. Ni marufuku kuhama bweni pindi unapopangiwa (unaweza kuhama pindi unapopata kibali toka **Ofisi ya Uadili**)
- IV. Wakati wa kufika(kuripot) chuoni, ni marufuku kwa mwanachuo kuingia na kukaa bwenini; mpaka awe amepata kibali toka **Ofisi ya Uadili** kupitia **ofisi ya usajili**
- V. Hairuhusiwi kufanya mikutano yoyote chuoni pasipo na kibali cha **mkuu wa chuo** na ikiwa kibali kimetolewa kikundi au chama kinatakiwa kuandika muhtasari wa kikao na nakala kuwasilishwa kwa **mkuu wa chuo**
- VI. Hairuhusiwi kufanya siasa ndani ya chuo, katika kipindi chote uwapo chuoni

ADHABU: **YEYOTE ATAKAYETENDA MAKOSA HAYA; PASIPO KUWA NA KIBALI CHA MKUU WA CHUO, MWADILI AU MKUFUNZI MTEULE ATAPEWA ADHABU KALI, PAMOJA NA KUACHISHWA MAFUNZO MARA MOJA**

**VII. Hairuhusiwi kwa mwanachuo kijipika chakula chuoni.**

**14. MATIBABU**

- I. Mwanachuo atatibiwa katika zahanati ya chuo kwanza
- II. Mwanachuo ataenda hospitali kwa ruhusa ya Daktari/Nesi/Mratibu wa afya wa Wanachuo
- III. Mwanachuo mwenye matatizo ya kiafya lazima awe na kibali cha daktari halali wa hospitali ya serikali ili kupangiwa kazi kulingana na afya yake

ADHABU: **ATAKAYE TENDA KOSA KATI YA MAKOSA HAYA ATAPEWA ADHABU KALI YA ONYO**

**15. KUTEMBELEWA NA WAGENI CHUONI**

- I. Mwanachuo haruhusiwi kutembelewa na wageni siku ya Jumatatu hadi Ijumaa
- II. Mwanachuo haruhusiwi kuonana na mgeni wake mpaka awe amepata kibali cha mwadili au Mkufunzi wa zamu
- III. Mizigo yote anayoletewa mwanachuo inatakiwa ifike **Ofisi ya Uadili** kwanza
- IV. Mwanachuo haruhusiwi kumsindikiza mgeni nje ya chuo bila ya kibali cha **Ofisi ya Uadili** au **Mkufunzi wa Zamu**
- V. Mwanachuo haruhusiwi kumlaza mgeni wake bwenini

ADHABU: **ATAKAYEKIUKA ATAPEWA ADHABU KALI**

**16. MICHANGO**

- I. Wanachuo wote wanatakiwa kulipa michango yote kama walivyoagizwa katika fomu ya kujiunga na chuo
- II. Michango yote inayoagizwa na chuo ni mali ya serikali hivyo matumizi yake huzingatia kanuni za fedha za serikali

ADHABU: **KUTOTIMIZA NI KUKIUKA KANUNI ZA CHUO NA UNATAKIWA KURUDI KUFUATA MICHANGO HUSIKA**

**17. MATUMIZI YA SIMU ZA MKONONI**

- I. Simu za mkononi haziruhusiwi kuwashwa wakati wa masomo iwe darasani au wakati wa kujisomea mwenyewe( prep)
- II. Simu za mkononi haziruhusiwi kupigisha mziki madarasini au mabwenini au maeneo yoyote ya chuo
- III. Simu za mkononi haziruhusiwi kutuma picha zisizo na maadili au jumbe zisizokuwa na maadili kwa wengine au mitandaoni
- IV. Unapaswa kulinda simu yako au kifaa chochote cha dhamani kama laptop: ni kosa kusababisha upotevu au usumbufu wowote

ADHABU: **ATAKAYEBAINIKA ATANYANG'ANYWA SIMU MPAKA MWISHO WA MAFUNZO YAKE AU ADHABU KALI ITATOLEWA AU VYOTE KWA PAMOJA**

**18. VIFAA VYA UMEME**

Hairuhusiwi kuwa na vifaa vya umeme kama pasi,heater,redio, birika la umeme, n.k

ADHABU: **ATAKAYE KUTWA NA VIFAA HIVI ATANYANG'ANYWA NA ADABU KALI ITATOLEWA**

**19. MAFUNZO KWA VITENDO (MUV)**

- I. Ruhusa zote za kutoka nje ya kituo zitatolewa na **mkuu wa chuo kushirikiana na mwalimu mkuu wa shule uliopangiwa**
- II. Ruhusa ya kutoka kituo kimoja kwenda kutembea kituo kingine zitatolewa na **mwalimu mkuu wa kituo**
- III. Ni marufuku kuhama kituo ulichopangiwa (unaweza kuhama pindi unapopata kibali toka **ofisi ya taaluma** kwa sababu maalum)
- IV. Wakati wa kufika(kuripot) kituoni,ni marufuku kwa mwanachuo kujitenga au kukaa peke yake ; mpaka uwe umepata kibali toka **Ofisi ya chuo** kwa sababu maalum.
- V. Ni marufuku kwa mwanachuo kutumia lugha ya Matusi,Kuudhi, kukebei,dhiaka kusengenya au Lugha za mitaani (kihuni)
- VI. Hairuhusiwi kuwa mbishi unapoelekezwa jambo jema
- VII. Hairuhusiwi kuwa muongo, mgovi au kugombana
- VIII. Hairuhusiwi kufanya mapenzi wakati wowote wa mafunzo yako; kati ya wanachuo kwa wanachuo, wanachuo na mtu mwingine yeyote au mwanachuo na mwanafunzi
- IX. Kuolewa au kuoia wakati wa mafunzo ni marufuku
- X. Hairuhusiwi Kujiuza (uchangudoa),Kupiga picha za utupu au Kutuma picha za utupu, Usagaji, Ushoga na mengine yanayofanana na hayo

ADHABU: **ENDAPO UKIKIUKA MOJA KATI YA HAYA ADHABU YAKE KUSIMAMISHWA  
MAFUNZO MARA MOJA AU ADHABU KALI ZA KINIDHAMU ZITATOLEWA**

**ZINGATIO**

Unataarifiwa kuwa chuo hiki ni cha Serikali wala siyo cha DINI. Hivyo kinazingatia katiba ya nchi kuhusu uhuru wa kuabudu, kila mwanachuo huruhusiwa kwenda sehemu za ibada kulingana na imani zao. Pia kuwa na vipindi vya dini katika ratiba za masomo.

Wanachuo hawaruhusiwi kuanzisha ratiba yao ya kuabudu katikati ya vipindi na ratiba ya chuo au baada ya vipindi tofauti na ratiba iliyowekwa

**KUWA MWALIMU BORA NA MWENYE MAADILI INAWEZEKANA , TIMIZA WAJIBU WAKO**



**JAMHURI YA MUUNGANO WA TANZANIA**  
**WIZARA YA ELIMU, SAYANSI NA TEKNOLOJIA**

Simu Nambari: **255-26-2360033**  
E-MailNo. [bustanitic@gmail.com](mailto:bustanitic@gmail.com)  
Mobile No. 0752716257



Chuo cha Ualimu Bustani,  
S.L.P. 131,  
**KONDOA.**

06/07/2018

Mimi .....

Ambaye nimechaguliwa kujiunga na CHUO CHA UALIMU BUSTANI mwaka 2018/2019 nimesoma maelekezo ya kujiunga na chuo pamoja na sheria na taratibu za Chuo hivyo ninaipokea na kuikubali nafasi niliyo pewa kwa malengo ya kusoma kwa bidii na kufikia malengo yangu binafsi, Malengo ya Chuo na Taifa kwa ujumla .

Ninatambua kuwa nafasi hii ni adimu na nyeti kwangu ili niweze kusoma na kufanya vizuri katika mafunzo yangu nikiwa na tabia na mwenendo mwema kwa ajili ya Taifa langu la Tanzania, familia yangu na kwa ajila yangu pia. Nina amini kuwa vitendo vyovyote vinavyopelekea uzembe katika kufanikisha makusudio haya ni hujuma kwa Taifa langu, familia yangu na kwangu pia. Hivyo ninaahidi kuwa , nikiwa chuoni:

1. Nitasoma kwa bidii kwa malengo ya kufanya vizuri katika masomo yangu kama Mwalimu tarajali
2. Nitashika na kufuata sheria na taratibu zote za chuo kama nilivyozisoma na kuzielewa na zingine zitakazo tolewa mara kwa mara na uongozi wa Chuo
3. Sitajihusiha na vitendo vya utovu wa nidhamu katika muda wote wa mafunzo
4. Nitakubali kupewa huduma stahiki kama chakula kulingana na taratibu na uwezo wa Chuo
5. Nitashiriki katika shughuli zote za nje ya darasa kama usafi, kupasua kuni na kuchota maji pale itakapobidi
6. Ikiwa nitakikiuka kiapo hiki pamoja na kanuni na taratibu za chuo kama nilivyozisoma na kuzielewa, nitakubali kurudi nyumbani kumwita mzazi/mlezi wangu.....(Jina la Mzazi/Mlezi) kwa ajili ya hatua zaidi na nitakubaliana na adhabu yoyote itakayotolewa na Kamati ya nidhamu ya Chuo kwa mujibu wa sharia na taratibu za chuo.

Saini ..... ya  
Mwanafunzi.....Tarehe.....

**SEHEMU YA MZAZI/MLEZI**

Mimi.....ninakub  
ali mtoto wangu

..... kupata na kupokea nafasi katika Chuo cha Ualimu Bustani mwaka 2018. Ninaahidi kumpatia mahitaji yote ya chuo kwa wakati kama ilivyo katika maagizo ya kujiunga na chuo. Ninakuhakikishia kuwa nitashirikiana na Chuo kwa kulipa michango kwa wakati ili kumwezesha mwanangu kutekeleza wajibu wake kwa chuo na Taifa kwa ujumla .

Anuani yangu ya kudumu, S.L.P.....

Wilaya .....

Mkoa .....

Makazi.....

Shughuli/kazi.....

Simu.....

Iwapo nitapata uhamisho wa kubadili makazi nitajulisha Chuo kwa maandishi ili kurahisisha mawasiliano

Saini ya mzazi/mlezi.....Tarehe .....

**GOVERNMENT OF TANZANIA  
REQUEST FOR MEDICAL EXAMINATION**

**PART A:**



TO: The Medical Officer

From: Principal  
Bustani Teachers' College,  
P.O.BOX 131,

KONDOA

.....  
.....

Please examine Mr/Mrs/Miss.....

To his/her physical and mental fitness for a full time teachers course.

- A: 1. (a) Eye – sight
- (b) Hearing
- (c) Speech
- (d) Venereal Diseases
- (e) Leprosy
- (f) Limbs
- (g) Epilepsy
- 2. Neuroses
- 3. Other serious diseases.

B: Blood Group

Date : .....

Signature.....

Official Stamp

**PART B: MEDICAL CERTIFICATE.**

(To be completed by Government Medical Officer)

I have examined the above named student that he/she is physically fit/unfit and mentally \*fit/unfit for a full time teacher Education course.

- I. (a) Eye – sight.....
- (b) Hearing.....
- (c) Limbs.....
- (d) Speech.....
- (e) Leprosy.....
- II. Neuroses.....
- III. Other serious diseases.....
- IV. Pregnancy.....

**Date:**.....

**Signature**.....

**Official Stamp**